

9.1.2012



Sáme kulturguovddáš Sajos oažžu iežas poastamearkka

Poastamearkajahki 2012 álgá njealji olggosaddima ráidduin ođđajagemánu 23. beaivve. Otne rahppon sáme kulturguovddáš Sajos ávvuduvvo iežas smávvaárkkain. Ođđajagemánu eará mearkkat laktásit Word Design Capital Helsinki 2012-fidnui, Helene Schjerfbeck 150-jagi riegdanbeaivái ja árbevirolaš ustibabeaivái.

Vuođđotevnnet attii merkii hámi

Njealji poastamearkka *Sáme kultuvra*-smávvaárka lea ožžon erenomáš hámi sáme kulturguovddáš Sajosa vuođđotevnnegis. Otne Anáris Juvdujoga gáttis rahppon Sajos boahdá leat Suoma sámiid hálddahusa ja kultuvrra guovddáš. Dat lea boahttevuođas maiddái dáhpuhusdállu, kongreassaguovddáš ja čoahkkinbáiki.

Sáme kultuvra-mearkaárka lea plánejuvvon ollásit lappiláš fámuiguin. Árkka govaid lea ráhkadan sámedáiddár **Merja Aletta Ranttila**. Árkka máhccumis vástida lappiláš **Markku Virtanen**.

Liibmapoastamearkabáhpárii prentejuvvon mearkaárkka vuođđogovva muittuha náhki, mearkka guovdu lea govviduvvon meavrresgárru. Árkka govain leat golbma sámi nissonipmilla. "Juksáhka suodjala meahcásteaddjiid ja várjala gándamánáid olles eallima áigge. Sáráhka lea nissoniid ja nieidamánáid goaŋu rájes suodjaleaddji, riegeameami ráđđejeaddji. Uksáhka lea ruovttu ipmil, mii várjala olbmuid ássama ja maiddá ealliid ja lottiid besiid", Merja Aletta Ranttila govvida barggu.

Nissonipmiid ja meavrresgári lassin mearkaárkii leat govviduvvon noaidi, siida, bohccot ja lávut. leš liibmapoastamearkka hámit čuvodit duoddariid hámiid.

Sáme kultuvra-smávvaárkkas leat njealje 1. luohká poastamearkka, árkka preanttusmearri lea 300 000 stuhka.

Čieža ođđa plánejeaddji

Word Design Capital Helsinki 2012-fidnui gulavaš *Future City*-poastamearkagihppagis mitaluvvo čieža ođđa poastamearkaplánejeaddjis, geat bálkkašuvvojedje giđdat 2011 internehtas lágiduvvon buohkaide rabas plánengilvvus.

Gilvvus bálkkašuvvon gávccu barggu ledje **Chloe Chapeaublanc** *Future City*, **Sini Henttonen** *Onnela*, **Katja Hynninen** *Citykani*, **Daniel Kallström** *Kaupungin liike*, **Ville Korhonen** *Asenne*, **Elias Ollila** *Tulevaisuus rohkeana* sihke **Varpu Kangas** guokte

barggu *Color Power* ja *Mix*. Gilvui oasálastán buot bargguide sáhtta oahpásmuvvat gilvosiiduin: www.futurecity.fi

Plánendoaimmahat Kokoro & Moi lea hábmen bálkkašuvvon gilvobargguid poastamearkan.

Schjerfbeck njealje barggu poastamerki

Dáiddár Helene Schjerfbeck (1862-1946) riegádeamis lea jagi 2012 gollan 150 jagi. Njealji mearkka gihppagis, mii olggosaddo ávvudeami gudnin, ovdanbuktojit su duojit. **Teresa Moorhouse** plánen gihppagii fárrui bohtán barggut leat *Kansakoulutyttö II*, *Vihreät omenat ja samppanjalasi*, *Mustataustainen omakuva* ja *Silkkikenkä*.

Guhtha symbola ustivuhtii

Boahhte jagi ustibabeaivvepoastamearkkaid lea plánen Ruotas ássi suomelaš govvideaddji **Päivi Unenge**. Guđa mearkka *Sydän ystävälle*-smávvaárkka govain givdnjot nieiddažat, lottit, sáibbobulljarasat, jiellahat ja váldooasis leat diedusge váimmut.

Lassidieđut:

Itella Posti Oy

- ovddidanhoavda Markku Penttinen, tel. 020 451 5519, markku.penttinen@posti.fi
- buvttajođiheadji Petri Pohjolainen, tel. 020 451 5572, petri.pohjolainen@posti.fi
- buvttajođiheadji Tommi Kantola, tel. 020 451 5531, tommi.kantola@posti.fi

Itella Diehtujuohkin

- Diehtujuohkinhoavda Sara Lindström, tel. 050 566 6851, sara.lindstrom@itella.com

Govvamateriála media atnui:

<http://digilibrary.itella.com/?cart=617-bcajkdbcib&language=FI>